



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADSKO VIJEĆE

Odluka
o davanju saglasnosti za rekonstrukciju ograde vrtića „Mašnica“
(Prijedlog)

Predlagač: Gradonačelnica
Obrađivač: Služba za urbano planiranje,
investicije, stambene i komunalne poslove

Sarajevo, juni 2024. godine

Adresa: Hamdije Kreševljakovića 3
71 000 Sarajevo
Tel.: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba



Na osnovu člana 31. stav (1) tačka b) Statuta Grada Sarajeva („Službene novine Kantona Sarajevo“, broj 7/23), Gradsko vijeće Grada Sarajeva, na __ sjednici održanoj dana __. __.2024. godine, donijelo je

(prijedlog)

O D L U K U
o davanju saglasnosti za rekonstrukciju ograde vrtića „Mašnica“

Član 1.

Gradsko vijeće Grada Sarajevo daje saglasnost gradonačelnici Grada Sarajeva da na osnovu zahtjeva JU Djeca Sarajeva, pokrene sve potrebne aktivnosti na rekonstrukciji ograde vrtića „Mašnica“, općina Novo Sarajevo.

Član 2.

Sredstva za ovu namjenu su obezbjeđena u Budžetu Grada Sarajeva na poziciji 821 500 Projekat obnove predškolskih i školskih objekata i infrastrukture – sanacija dječijih igrališta.

Član 3.

Ova odluka stupa na snagu narednog dana od dana objavljivanja u „Službenim novinama Kantona Sarajevo“.

PREDSJEDAVAJUĆI GRADSKOG VIJEĆA
Jasmin Ademović

Broj:
Sarajevo,

Obrazloženje

PRAVNI OSNOV

Pravni osnov za donošenje Odluke sadržan je u člana 31. stav (1) tačka b) Statuta Grada Sarajeva („Službene novine Kantona Sarajevo“, broj 7/23) koji definiše da Gradsko vijeće donosi odluke, druge propise i opće akte i daje njihovo tumačenje.

RAZLOZI DONOŠENJA

Vrtić „Mašnica“, koji posluje u sklopu JU Djeca Sarajeva, trenutno broji 150 djece različitih uzrasta. S obzirom na to da je vrtić mjesto gdje djeca provode veći dio dana, od ključne je važnosti da se osigura sigurno i stimulativno okruženje za njihovu igru i boravak na otvorenom.

U zahtjevu JU Djeca Sarajeva koji je upućen Gradu Sarajevu dana 06.06.2024. godine navedeno je da je postojeća ograda vrtića „Mašnica“ je u lošem stanju te više ne ispunjava sigurnosne standarde. Rekonstrukcija ograde je nužna kako bi se spriječile moguće nezgode i osigurala zaštita djece od neovlaštenog ulaska u dvorište vrtića. Novi dizajn ograde predviđa korištenje visokokvalitetnih materijala koji zadovoljavaju sigurnosne norme, što će značajno doprinijeti poboljšanju sigurnosnih uvjeta u vrtiću.

Također, rekonstrukcija ograde omogućit će dodatno uređenje dvorišta vrtića, što će stvoriti ugodniji i sigurniji prostor za djecu. Time će se djeci omogućiti kvalitetniji boravak na otvorenom, što je izuzetno važno za njihov fizički i psihički razvoj.

Gradsko vijeće Sarajeva prepoznaje važnost ovog projekta i podržava napore JU Djeca Sarajeva u unapređenju uvjeta u kojima borave djeca. Osiguranje sigurnog i kvalitetnog prostora za igru i učenje djece treba biti prioritet za sve nas.

Na osnovu gore navedenog, Gradsko vijeće Sarajeva donosi Odluku o davanju saglasnosti za rekonstrukciju ograde vrtića „Mašnica“.

FINANSIJSKA SREDSTVA

Za realizaciju Odluke sredstva su obezbjeđena Budžetu Grada Sarajeva na 821 500 Projekat obnove predškolskih i školskih objekata i infrastrukture – sanacija dječijih igrališta..